



**ՊԵՏԱԿԱՆ ՀԱՎԱՍՏԱԳՐԵՐԻ ՀԻՄԱՆ ՎՐԱ
ԼՍՈՂԱԿԱՆ ՍԱՐՔԻ ԵՎ
ՀԱՇՄԱՆ ԴԱՄԻ ՍԱՅԼԱԿԻ
ՏՐԱՄԱԴՐՈՒՄ**



**Սոցիալական թեժ գիծ՝ «114»
ՀՀ աշխատանքի և սոցիալական հարցերի
նախարարության պաշտոնական կայքէջ՝
www.mlsa.am**

Համաձայն ՀՀ կառավարության 2017 թ. սեպտեմբերի 7-ի N 1151-Ն որոշման՝ պետական բյուջեի միջոցներով (անվճար) հաշմանդամի սայլակները և լսողական սարքերը տրամադրվում են պետական հավաստագրերի (այսուհետև՝ հավաստագիր) միջոցով:

Հավաստագրի միջոցով **հաշմանդամի սայլակ** ձեռք բերելու իրավունք ունեն՝

- 1-ին խմբի հաշմանդամություն ունեցող անձինք,
- «Հաշմանդամ երեխա» կարգավիճակ ունեցող անձինք,

Հավաստագրի միջոցով **լսողական սարք** ձեռք բերելու իրավունք ունեն միայն **լսողության խնդիրներ ունեցող՝**

- հաշմանդամություն ունեցող անձինք,
- 12-ից 18 տարեկան երեխաները՝ անկախ հաշմանդամություն ունենալու հանգամանքից,
- տարիքային կենսաթոշակի իրավունք տվող տարիքը լրացած անձինք:

Հաշմանդամի սայլակները և լսողական սարքերը տրամադրվում են 3 տարի ժամկետով՝ բացառությամբ 12-18 տարեկան երեխաներին և 18-ից 29 տարեկան հաշմանդամություն ունեցող անձանց, ովքեր իրավունք ունեն լսողական սարք ստանալ 5 տարին մեկ անգամ:

Հավաստագիր ձեռք բերելու համար տվյալ պարագան ստանալու իրավունք ունեցող անձինք (Շահառու) կամ նրանց ներկայացուցիչները կարող են «Հանգրվան» ՊՈԱԿ կամ ՀՀ աշխատանքի և սոցիալական հարցերի նախարարություն կամ սոցիալական աջակցության տարածքային գործակալություն

(բաժին)՝ (այսուհետ՝ ՍԱՕՏԳ/Բ) ներկայացնել ղիմում և հետևյալ փաստաթղթերը.

- **հաշմանդամի սայլակի դեպքում՝**
 - ✓ անձնագիրը և հանրային ծառայությունների համարանիշը կամ նույնականացման քարտը (մինչև 16 տարեկան երեխաների համար ծնողներից մեկը կամ այլ օրինական ներկայացուցիչ ներկայացնում է իր անձը հաստատող փաստաթուղթը և երեխայի ծննդյան վկայականը), դրանց պատճեններ,
 - ✓ բժշկասոցիալական փորձաքննական որոշումը՝ ԲՍՓ որոշումը (հաշմանդամության վկայականը), նաև դրա պատճենը,
 - ✓ վերականգնողական անհատական ծրագիրը (ՎԱՕ), որով երաշխավորված է հաշմանդամի սայլակը, դրա պատճենը,
- **լսողական սարքի դեպքում բացի անձը հաստատող փաստաթղթերից նաև՝**
 - ✓ տեղեկանք լսողության կորստի աստիճանի և լսողական սարքի անհրաժեշտության վերաբերյալ և աուդիոգրամման (աուդիոմետրիայի տվյալները), դրանց պատճենները (տրվում է անձի բնակության վայրի առաջնային բժշկական օգնություն և սպասարկում իրականացնող կամ մասնագիտացված բժշկական կազմակերպության կողմից),
 - ✓ հաշմանդամություն ունենալու դեպքում նաև ԲՍՓ որոշումը (հաշմանդամության վկայականը) և ՎԱՕ-ը, որով երաշխավորված է լսողական սարքը, դրանց պատճենները

Փաստաթղթերը և դիմումը կարող են ներկայացվել **առձեռն, փոստային առաքումով կամ էլեկտրոնային փոստով:**

❖ **Առձեռն ներկայացնելիս**

➤ «Հանգրվան» ՊՈԱԿ, որտեղ Շահառուն կամ նրա ներկայացուցիչը հավաստագիրը ստանում է առձեռն՝ ընդ որում ներկայացուցիչը պետք է ներկայացնի նաև իր անձը հաստատող փաստաթուղթը և Շահառուի փաստաթղթերի բնօրինակները,

➤ **Նախարարություն և ՍՄԾՏԳ/Բ-ներ**, որտեղ ստուգվում են դրանց լիարժեքությունը և ուղարկվում «Հանգրվան» ՊՈԱԿ՝ այդ մասին հայտնելով դիմողին:

❖ **Փոստային առաքմամբ՝**

➤ Նախարարությունում և «Հանգրվան» ՊՈԱԿ-ում 5 աշխատանքային օրվա ընթացքում ստուգվում է ներկայացված փաստաթղթերի (բնօրինակների, բացառությամբ անձը հաստատող փաստաթղթերի) լիարժեքությունը և Շահառուի փաստացի բնակության հասցեով երեք աշխատանքային օրվա ընթացքում ուղարկվում են հավաստագիրը և ներկայացված փաստաթղթերի բնօրինակները:

❖ **էլ. փոստով** փաստաթղթերի լուսապատճենները և դիմումը ուղարկվում են նախարարության info@mlsa.am պաշտոնական էլեկտրոնային փոստով:

Փաստաթղթերում անձտույություններ

հայտնաբերվելու դեպքում երկու

աշխատանքային օրվա ընթացքում

տեղեկացվում է դիմողին:

Հավաստագրի հետ միասին դիմողին տրամադրվում են նաև այն կազմակերպությունների ցանկը, հասցեները և կոնտակտային տվյալները, որտեղից անձը կարող է վերցնել իր կարիքներին համապատասխան հաշմանդամի սայլակ կամ լսողական սարք: Հավաստագրերի հիման վրա տրամադրվող պարագաների տեսակների, դրանց գների, տեխնիկական բնութագրերի և այլնի վերաբերյալ մանրամասն տեղեկատվությունը տեղադրված է նախարարության պաշտոնական կայքէջի գլխավոր էջում:

Շահառուն իր անձը հաստատող փաստաթղթերով և ստացած հավաստագրով դիմում է նախարարության հետ պայամանագիր կնքած կազմակերպություն և ընտրում իր կարիքներին համապատասխան հաշմանդամի սայլակ կամ լսողական սարք:

➤ Եթե անձն արդեն ունի սայլակ կամ, եթե նրա նախընտրած սայլակն ավելի էժան է, քան հավաստագրի արժեքը, ապա կարող է հավաստագրի գնային արժեքի սահմաններում ձեռք բերել այլ պահեստամասեր կամ հարակից այլ պարագաներ (մարտկոցներ, անիվներ, կառավարման վահանակներ և այլն), որոնք օգտագործվում են սայլակի ֆունկցիոնալությունը, երկարակեցությունը կամ հարմարավետությունն ապահովելու համար:

➤ Եթե շահառուի նախընտրած հաշմանդամի սայլակի կամ լսողական սարքի գինը բարձր է հավաստագրի գնային արժեքից, ապա շահառուն կարող է ձեռք բերել իր նախընտրած պարագան՝ վճարելով արժեքի տարբերությունը:

➤ Եթե անձը չի օգտագործում ձեռք բերված և ուժի մեջ գտնվող հաշմանդամի սայլակի հավաստագիրը, ապա դրա գնային

արժեքը հաջորդ տարիների համար ավելանում է ձեռք բերված հավաստագրի արժեքի 25 տոկոսի չափով՝ յուրաքանչյուր հաջորդող տարիների համար: Ավելացած արժեքով հավաստագիր ձեռք բերելու համար անձը դիմում է նախարարություն կամ ՍՄԾՏԳ/Բ կամ «Հանգրվան» ՊՈԱԿ՝ ներկայացնելով նաև չօգտագործված հավաստագիրը:

Հավաստագրի գնային արժեքը սահմանվում է յուրաքանչյուր տարի՝ ՀՀ պետական բյուջեով հաշմանդամի սայլակի և լսողական սարքի ձեռքբերման համար նախատեսված միջոցների շրջանակներում:

❖ 2017-2018 թթ. հաշմանդամի սայլակի ձեռքբերման համար հավաստագրի գնային արժեքն է **95 հազ. ՀՀ դրամ**,

❖ 2017-2018 թթ. լսողական սարքերի ձեռքբերման համար հավաստագրի գնային արժեքներն են՝

➤ 12-18 տարեկան երեխաներին և 18-ից 29 տարեկան հաշմանդամություն ունեցող անձանց համար՝ **80 հազ. ՀՀ դրամ**,

➤ 30 տարեկան և ավելի բարձր տարիքի՝ հաշմանդամություն ունեցող, տարիքային կենսաթոշակի իրավունք տվող տարիքը լրացած անձանց համար՝ **30 հազ. ՀՀ դրամ:**

Հաշմանդամի սայլակի հավաստագիրն ուժի մեջ է 1 տարի ժամկետով, իսկ լսողական սարքի հավաստագիրը՝ մինչև յուրաքանչյուր տարվա դեկտեմբերի 20-ը:

«Հանգրվան» ՊՈԱԿ՝ հասցե ք. Երևան, Թբիլիսյան խճուղի 3/14, հեռ.՝ 011 990-996